



Fylkesmannen i Hordaland
Postboks 7310
5020 Bergen

Referanser:

Dykkar:

Vår: 17/3049 - 17/30411

Saksbehandlar:

Nils-Erik Buck

nils-erik.buck@lindas.kommune.no

Dato:

23.10.2017

Spørsmål om status og utfordringar - Digital forvaltning i kommunane

Viser til ditt brev datert 23.10.2017.

På vegne av Rådmannen sender eg herved våre svar på dei spørsmål de sendte oss:

1. Drift: 0 personar (me kjøper drift frå eit interkommunalt selskap, IKT Nordhordland),
Digitalisering: 2-3 personar
2. Austrheim, Fedje, Masfjorden, Meland, Modalen, Radøy, Gulen og Osterøy
3. Me ser fylgjande utfordringar:
 - a. IKT-leiar har ikkje kapasitet til å ta igjen etterslepet knytta til informasjonstrygleik og internkontroll. Manglande dokumentasjon gjer det svært vanskeleg å drive internkontroll på ei tilfredsstillande måte på dette området.
 - b. Delansvar for informasjonstrygleik er ikkje delegert ut til fagmiljøa i tilstrekkeleg grad.
 - c. Me mangler arkitekturkompetanse og utviklarkompetanse
 - d. Me mangler kapasitet til å kunne auke digitaliseringstakten og kjøyre fleire utviklings-/digitaliseringprosjekt.
4. Me har som strategi å alltid vurdere skybaserte løysingar mot lokal drift når me anskaffar og me velger i aukande grad skybaserte løysingar. Implementering av skyløysingar med ekstern drift gjer at me difor i aukande grad får ei hybrid driftsmodell. Utfordringa blir framover å integrere skyløysingar med lokalt drifta system på ei god og trygg måte.

På utviklingssida ynskjer me å auke graden av digitalt fyrsteval. Det er difor behov for fleire utviklingsprosjekt/digitaliseringsprosjekt. Utfordringa er at dei er ressurskrevjande og me har begrensa prosjekttressursar med kompetanse på digitalisering. Digitalisering medfører også tung involvering frå forvaltninga og kjem på toppen av arbeidet med kommunesamanslåing.

Det er óg krevjande å vere i eit interkommunalt samarbeid på utvikling fordi alle beslutningar skal diskuterast og forankrast og det krevjer tunge prosessar for medverknad.

Post

postmottak@lindas.kommune.no
Dokumentsenteret
Kvernhusmyrane 20, 5914 Isdalstø

Kontakt

www.lindas.kommune.no
Telefon +47 56 37 50 00
Telefaks +47 56 37 50 01

Konto 3201.05.89311
Org.nr. 935 084 733

DER DRAUMAR BLIR RØYNDOM



5. Lindås kommune har allereie inngått eit regionalt digitaliseringssamarbeid med kommunene Bergen, Fjell/Øygarden/Sund, Os/Fusa og Askøy for å byggje kompetansenettverk, foreslå utvikling av nasjonale løysingar og førebu oss på implementering av nasjonale løysingar. FIKS Beboer og AktivKommune er to konkrete prosjekt som har utspring frå dette samarbeidet. Lindås har signalisert ynskje om ei regional arkitekt/arkitektgruppe som kan bistå kommunene i regionen med arkitektur og digitalisering.

Lindås har og eit interkommunalt samarbeid på omsorgsteknologi med 9 andre kommunar.

6. Me savner ei skildring av referansearkitektur for digitalisering frå KS. Nokon må skildre vegkartet for digitalisering betre.

- Kva føresetnader må på plass for å kunne digitalisere ?
- Korleis bør ein digitalisere gjennom innkjøp ? (dei færraste kommunane har kompetanse til å utvikle digitale løysingar sjølv)
- Kva arkitekturkrav bør ein stille til leverandørane ?
- Kva slags arkitektur bør ein byggje for å digitalisere enklare ?

Men sjølv med ei referansearkitektur på plass, vil det vere krevjande å digitalisere raskt nok. For å få fart på digitaliseringa i kommunane er det difor behov for ei større sentralisering av løysingsutviklinga. KS bør ta eit større ansvar og veldefinerte kravspesifikasjonar bør utarbeidast på eit nasjonalt nivå, slik det til dømes gjerast med eByggesak. KS gjer mykje bra på FIKS plattformen, men det er svært ynskjeleg at KS tar ei endå meir aktiv rolle i utviklinga av nasjonale løysingar for kommunesektoren og at dei tek leverandørdialogen på vegne av kommunane. KS kan og bidra med å synleggjere for kommunane kva digitale løysingar som finst på det kommersielle markedet på ulike områder.

Med helsing

Nils-Erik Buck
Rådgiver

Dette dokumentet er elektronisk godkjent og har difor ingen signatur.

Mottakarar:

Fylkesmannen i Hordaland

Postboks 7310

5020

Bergen